

## Ētahi anō ture whakahirahira

- > E āhei ana anake te hao īnanga i ngā wāhi e pāngia ana e te tai. Ka tohua tēnei tohu e ngā tohu wai i ētahi awa.

Kei te taihara ki te:

- > hao īnanga i te 20m o tētahi kēti tai, kēti waipuke, pūtahitanga, karawata, whakapuni, i tētahi ārai rere wai rānei ki te hao rānei i tētahi arawhiti, i tētahi waka rānei.



- > raweke, whakarerekē, panoni rānei i te taunga māori, i ngā tahataha rānei o tētahi awa, awa iti, whanga, i tētahi korou rānei.
- > ākiri, ki te waiho rānei i ētahi anō ika ki te tahataha i a koe e hao īnanga ana.

## Ngā whakamāramatanga

- > Ko te taputapu hao, he mea e whakamahia ana, e āhei ana rānei ki te whakamahi hei hao i te īnanga (hei tauira, ngā ārai, ngā aho, ngā taura, ngā poari titiro, te mea te mea).
- > Ko te taputapu hao pūmau, he taputapu hao e whakaritea ana kia hao īnanga, atu i te whakamahinga i tētahi hanganga raihana (tūranga)..
- > Ko te hanganga raihana, he hanganga e āhei ana kia whakamahia hei hao īnanga i raro i te Ture Whakahaere Rauemi 1991. Kei te whakahaerehia ēnei e ngā kaunihera ā-rohe

## Ngā whiu

Ko ngā whiu i te kore whai i ēnei waeture, ka whiua pea tētahi utu o te \$400.

Ka hāmene pea koe, ā, ko te \$5000 te tino utu.

Ki te kitea koe e hao taihara ana, ka tangohia āu taputapu hao katoa me tāu haonga katoa e tētahi kaitiaki.



## Mō ngā mōhiohio anō

Tēnā, whakapai mai ki tōu tari DOC ā-rohe, imēra atu rānei ki [info@doc.govt.nz](mailto:info@doc.govt.nz)

## Tiakina ngā arawai o Aotearoa

Ka taea e te mahi hao īnanga ngā momo urutomo te horapa, ko te hūare wai (he pūkohu wai rāwaho) tētahi me te tuangi kōura (he tuangi rāwaho).

Ka taea e koe te horapa te whakamutu nā te whakamahi i āu taputapu hao i tētahi awa i tēnei wā īnanga, me tino pēnei ki te hao koe i te awa o Waikato.

Mō ngā mōhiohio anō o te tuangi kōura me ngā tino arotahi horoi, haere ki: [www.biosecurity.govt.nz/clam](http://www.biosecurity.govt.nz/clam)

Cover photo: Neil Hutton

Published by:

Department of Conservation Te Papa Atawhai  
PO Box 10421, Wellington 6140

Hōngongoi 2024

Editing and design:

Te Rōpū Ratonga Auaha, Te Papa Atawhai  
Creative Services, Department of Conservation

This publication is produced using paper sourced from well-managed, renewable and legally logged forests.



BETWEEN WATERWAYS

# Te puka arataki hao īnanga

He whakarāpopotonga o ngā Waeture Hao Īnanga 2021



## Ngā waeture hao īnanga

He mea whakaarahi tēnei puka ki ngā Waeture Hao Īnanga 2021. Kāore ngā ture katoa i roto nei, heoi kei te pae tukutuku o New Zealand Legislation - haere ki [www.legislation.govt.nz](http://www.legislation.govt.nz), ā, kimihia 'Ngā Waeture Hao Īnanga 2021'. Mō ngā tino mōhiotia, haere ki [www.doc.govt.nz/whitebaiting](http://www.doc.govt.nz/whitebaiting).


Ka whakapai ake ngā waeture hou i te toitūtanga o te mahinga ika nā te whakaiti iho i te pānga i ngā momo īnanga me ngā ika māori i haongia tūponotia. Kāore anō ngā waeture i panoni mai i ngā tau 1990, ā, kua roa rawa kia arotaketia.

He wāhanga whakahirahira te whai i ēnei waeture o te oranga tonutanga o ngā momo īnanga.

## He aha te īnanga?

Ko te īnanga, he taiohi o ngā momo ika māori e ono (īnanga, kōkopu tāhei, kōkopu nui, kōkopu kauae poto, kōaro me te paraki), ā, ka hoki reremua kia kitea tētahi nohoanga pakeke pai. E whā o ēnei momo e raru ana kia orotā.

## Te huringa oranga o ngā momo īnanga



## Te wā hao

Ko te wā īnanga, mai i te 1 o Hepetema ki te 30 o Ōketopa i ngā wāhi katoa o Aotearoa atu i Rēkohu (1 o Tihema ki te rā whakamutunga o Pēpuere).


E āhei ana te hao īnanga:

- > i te 5am ki te 8pm
- > i te 6am ki te 9pm rānei i te wā o te tiaki awatea i Aotearoa.

E kore rawa e āhei ana ki te hao īnanga i ngā wā anō.

## Taputapu hao


- > Me tango ngā taputapu hao i te wai hei te mutunga o tōu rā hao, hei te wā hoki ka mutu tōu mahi hao kia whakatā atu i tōu kupenga.
- > Me noho koe i te 10m o tōu kupenga i ngā wā katoa.
- > Me kore te waha o ngā kupenga hao īnanga e nui ake i te 4.5m (e meiha ana huri noa i roto i te taitapa o te kupenga), me kore hoki ngā rawa taitapa i te 120 mm. Me kore ngā kupenga tō e teitei ake i te 1 m, ā, me papatahi hoki kia takotoria ki tētahi haupapa. Me kore ngā momo kupenga īnanga katoa e roa ake i te 3.5 m.
- > Karekau he tawhiti iho kei waenganui i ngā kupenga koko, i ngā kupenga tō rānei.



- > Kāore ngā taputapu hao e āhei ana kia roa ake i te 6m mehemea e whakamahia ana i ngā hanganga raihana (ngā tūranga), kāore rānei

- > Ko te ārai te mea anake e āhei ana kia autaki i te īnanga i tōu kupenga.

Me kore ngā ārai e roa ake i te 3m, atu i te whakamahinga i tētahi hanganga raihana (tūranga).



- > Me ū i ngā wā katoa ki te 20 m te roanga iti iho kei waenganui i ngā taputapu hao pūmau, atu i te whakamahinga i tētahi hanganga raihana.



- > Ko ngā taputapu hao (i ngā taha katoa o te korou), kāore e āhei ana kia nui ake i te hauwhā o te whānuitanga o te korou i tōna wāhi pūmau.

